

3,000 kunjungi pasar percuma

» Program mahu didik masyarakat sikap memberi, elak pembaziran

Oleh Zanariah Abd Mutualib
zanariah_mutalib@bh.com.my

Putrajaya

Selepas pasar lambak dan jualan but kereta yang menawarkan barang baru serta terpakai di negara ini, kini pasar percuma mula diperkenalkan.

Konsep baharu itu mendapat sambutan hangat apabila hampir 3,000 orang mengunjungi 'Free Market Putrajaya' dalam tempoh dua jam di Dataran Gemilang, Presint 4 di sini, semalam.

Uniknya, peniaga pasar yang hanya dibuka dari jam 9 pagi hingga 11 pagi itu memberi semua barang, termasuk makanan secara percuma kepada orang ramai dan mereka yang ingin memiliki barang itu hanya perlu memintanya dengan baik serta berterima kasih kepada pemberi.

Terkejut sambutan diterima
Penganjur Free Market Putrajaya, Azmin Ishak, berkata ia adalah



Orang ramai **memilih barang yang dipamer** di Free Market Putrajaya di Dataran Gemilang, Presint 4, Putrajaya, semalam.

Disertai 120 penyumbang

"Free Market kali ini disertai lebih ramai penyumbang iaitu kira-kira 120 orang. Mereka cuma perlu datang, membentang

kali kedua beliau mengadakan pasar berkenaan di Putrajaya selepas julung kali diadakan tahun lalu dan terkejut dengan sambutan diterima.

tikar dan mempamerkan barang yang mahu disumbangkan.

"Selain pakaian dan permainan kanak-kanak, barang keperlu-

an seperti beras, telur, susu dan gula turut diberi secara percuma, malah sebanyak 708 kilogram sayuran juga diberikan oleh penyumbang serta FAMA (Lembaga Pemasaran Pertanian Persekutuan).

Didik masyarakat dengan nilai murni

"Kita mahu mendidik masyarakat dengan nilai murni, sikap memberi yang ikhlas, membuat kebajikan dan mengelak pembaziran," katanya ketika ditemui di sini, semalam.

Selain pemberian barang, katanya, perkhidmatan turut ditawarkan secara percuma termasuk pemeriksaan gigi dan urutan tangan.

Seorang penyumbang, Izafahani Mohammad, 24, yang juga pelajar Universiti Putra Malaysia (UPM), mengetahui mengenai program berkenaan menerusi laman Facebook Perbadanan Putrajaya (PPj) dan membuat keputusan menyumbang pakaian keluarganya yang sudah tidak dipakai.

"Sukar mahu mencari orang yang memerlukan pakaian, maka datang ke sini lebih mudah dan ia adalah inisiatif yang bagus," katanya.

Seorang pengunjung, Ansorila Mhd Noor Zori, 33, mulanya hanya datang untuk melihat pasar berkenaan dan tidak menyangka barang di situ benar-benar diberikan secara percuma.

"Konsep ini baik kerana masyarakat boleh menyumbang terutama kepada golongan yang memerlukan," katanya.